



Broj:01-GV-02-629/18
Sarajevo, 30.05.2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), Gradsko vijeće Grada Sarajeva, na 16. sjednici održanoj 30.05.2018. godine, usvojilo je

Izvještaj o realizaciji Programa manifestacije obilježavanja 6. aprila Dana grada Sarajeva u 2018. godini.

PREDSJEDAVAJUĆI GRADSKOG VIJEĆA

Dr. Igor Gavrić, s.r.

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

IZVJEŠTAJ
O REALIZACIJI PROGRAMA MANIFESTACIJE OBILJEŽAVANJA
6. APRILA – DANA GRADA SARAJEVA U 2018. GODINI

Sarajevo, maj 2018. Godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

**IZVJEŠTAJ O REALIZACIJI PROGRAMA MANIFESTACIJE
OBILJEŽAVANJA
6. APRILA – DANA GRADA SARAJEVA U 2018. GODINI**

Sarajevo, april 2018. godine

SADRŽAJ

I	Uvod	3
II	Protokolarne aktivnosti	4
III	Kulturne i sportske manifestacije	5
IV	Program na otvorenom	13
V	Svečana sjednica Gradskog vijeća Grada Sarajeva	15
VI	Međunarodna saradnja	16
VII	Press analiza	22
VIII	Rezime i zaključci	24

I UVOD

Gradsko vijeće Grada Sarajeva, na sjednici održanoj u oktobru mjesecu 2017. godine, donijelo je Odluku o imenovanju Organizacionog odbora za pripremu i realizaciju Programa obilježavanja Dana Grada Sarajeva u 2018. godini ("Službene novine Kantona Sarajevo", 47/17) kojom su u ovaj odbor imenovani članovi Kolegija Gradskog vijeća Grada Sarajeva Igor dr. Gavrić, predsjedavajući, prof. dr. Velija Katica, zamjenik predsjedavajućeg, te članice i članovi: Mira Jurić, Edina Gabela, mr. Vibor Handžić, Lana Velić, Miro Lazović, mr. Sead Srna, Vedran Dodik, Bajro Biber, Srđan Srđić, mr. Tea Dreković i Safet Krajišnik, te gradonačelnik i njegovi zamjenici mr. Abdulah Skaka, Milan Trivić, i Ivica Šarić. Odbor je na drugoj sjednici usvojio Program obilježavanja Dana grada Sarajeva, a na trećoj sjednicisvojim zaključcima odlučio o konačnom uvrštavanju u Program ranije predloženih i u međuvremenu razmotrenih, određenih kulturnih, odnosno sportskih priredbi, o konačnoj satnici za protokol odavanja počasti i polaganja cvijeća na lokacijama od značaja za Grad Sarajevo za dane 05. i 06. aprila, te o upućivanju pozivnica u skladu s usaglašenom protokolarnom listom na događaje u organizaciji Grada Sarajeva.

Rješenjem gradonačelnika Sarajeva, broj 01/04-05-769/18 od 01.02.2018. godine, imenovan je Izvršni odbor za organizaciju manifestacije obilježavanja 6. aprila – Dana grada Sarajeva u sastavu: Erna Čolić, predsjednica, članice i članovi Amer Čaušević, Zinaida Čengić, Meliha Osmanagić, Aida Koristović, Denis Kovačević i Amira Kaljić i sekretar Mediha Hromo. Izvršni odbor u navedenom i proširenom sastavu održao je ukupno 12 sjednica. Osnovni zadatak Izvršnog odbora bio je realizacija manifestacije, definisanje finansijskih sredstava, organizacione i druge neophodne aktivnosti.

Slijedi pregled aktivnosti u realizaciji Programa obilježavanja Dana grada Sarajeva u 2018. godini:

PRESS KONFERENCIJE

U sarajevskoj Vijećnici 23.03.2018. godine organizirana je press konferencija na kojoj je novinarima i javnosti predstavljen program ovogodišnjeg obilježavanja 6. aprila - Dana grada Sarajeva. Javnosti je prvi put promovirana pjesma i spot posvećeni ovom velikom simbolu Sarajeva. Nekadašnji članovi kulture sarajevske grupe „Ambasadori“: Zdravko Čolić, Ismeta Dervoz, Hari Varešanović i Jasna Gospić snimili su pjesmu "Trebević ponovo silazi u grad". Stihove je napisao Zlatan Fazlić Fazla, a producirao je Nikša Bratoš. Moderator press konferencije bila je Ismeta Dervoz.

Druga press konferencija u povodu obilježavanja 6. aprila, organizirana je 05.04. 2018. godine. Pored najave programa obilježavanja Dana grada, na press konferenciji je promovirana poštanska marka BH Pošte pod nazivom "Obnova Sarajevske žičare, posvećene ponovnom početku rada. Poštanska marka, autora- dizajnera BH Pošte Tamera Lučarevića, odštampana je u tiražu od 10.000 primjeraka. Štampanje i prigodan FDC koverat u tiražu od 150 primjeraka. Prve primjerke poštanske marke "Obnova Sarajevske žičare" i kovertu uručene su donatoru Edmondu Offermannu, gradonačelniku Sarajeva mr. Abdulahu Skaki, predsjedavajućem gradskog Vijeća dr. Igoru Gavriću, direktoru Javnog preduzeća Sarajevo Esadu Tanoviću i direktoru JU Muzej Sarajeva Mirsadu Avdiću. Moderatorica press konferencije bila je Arma Tanović.

II PROTOKOLARNE AKTIVNOSTI (polaganje, sadnja cvijeća i odavanje počasti)

Delegacije Gradske uprave i gradskih vijećnika predvođene gradonačelnikom, predsjedavajućim Gradskog vijeća i njihovim zamjenicima, odale se počast šehidima i poginulim braniteljima na nekoliko lokacija u Sarajevu, 5. i 6. aprila, 2018. godine, prema ranije utvrđenom protokolu:

Četvrtak, 05.04.2018.

- 11:00 Most Suada Dilberović i Olga Sučić
- 11:30 Staro Jevrejsko groblje
- 12:00 Vatrogasni dom Vratnik
- 12:15 Vratnik mejdan spomen obilježje borcima 1992. – 1995.
- 12.30 Višegradska kapija

Petak, 06.04.2018.

- 08:15 Vječna vatra
- 08:45 Šehidsko mezarje „Kovači“
Mezar Prvog predsjednika RBiH, Alije Izetbegovića
- 09:15 Spomen obilježje ubijenoj djeci opkoljenog Sarajeva 1992-1995.
- 09:30 Mezari ubijenih policajaca u Velikom parku (11)
- 09:45 Gradska groblja Lav, Sv. Josip, Sv. Marko i Mezarje Stadion (Koševo)
- 10:00 Bista Vladimir Perić -Valter
- 10:15 Spomen park „Vraca“
- 10:30 Centralno Spomen obilježje/Općina Novi Grad Sarajevo
- 15:30 Spomen obilježje ispred Hitne pomoći (dr. Silva Rizvanbegović)

Nakon što je izuzetno snažan vjetar otkinuo zastavu Bosne i Hercegovine, 3. aprila, 2018. godine postavljena je nova zastava na jarbol na Humu. Također, zamijenjeno je i državno obilježje na

jarbolu kod Bijele tabije, koje je prošle godine postavio Grad Sarajevo povodom obilježavanja 6. aprila – Dana grada.

AKCIJA „SARAJEVO – 1.601 RUŽA ZA 1.601 CVIJET“

Predsjedavajući Gradskog vijeća dr. Igor Gavrić i gradonačelnik Sarajeva mr. Abdulah Skaka, učestvovali su u akciji „Sarajevo – 1.601 ruža za 1.601 cvijet“ u organizaciji Udruženja Ekologa „Arboretum-Botanička Bašta“. Sarajevski osnovci su u okviru akcije posadili 1.601 ružu u znak sjećanja na 1.601 dijete koje je stradalo tokom opsade grada. Gradska uprava Grada Sarajeva je podržala ovu akciju koja je uvrštena u zvanični program povodom obilježavanja 6. aprila – Dana Grada Sarajeva. Predsjedavajući Gavrić i gradonačelnik Skaka su zajedno sa mališanima posadili ruže u Velikom parku pored Spomen-obilježja ubijenoj djeci Sarajeva.

III KULTURNE I SPORTSKE MANIFESTACIJE

KULTURNE MANIFESTACIJE

IZLOŽBA FOTOGRAFA RON HAVIVA

U okviru zvaničnog početka 23. izdanja kulturološkog programa Modul Memorije u organizaciji JU MESS u Vijećnici je otvorena izložba fotografija „Sjena sjećanja“/“Shadow of Memory“ Ron Haviva, svjetski poznatog i nagrađivanog fotoreportera, koji svojim radom promoviše humanost i ljudska prava. Posjetioci su imali priliku da vide rijetko objavljene ili nikada viđene fotografije koje su tematski podijeljene na sedam različitih priča zabilježenih u vrijeme agresije na Sarajevo i BiH: „Sarajevo – 6. april“, „Bijeljina“, „Život u ratu“, „Logori“, „Ponovno ujedinjenje“, „Vojnici“ i „Srebrenica“. Ronu Havivu je ovom prilikom uručeno priznanje za poseban doprinos očuvanju kulture sjećanja.

IZLOŽBA “COLLEGIUM ARTISTICUM 2018”

Gradonačelnik Sarajeva mr. Abdulah Skaka, u galeriji “Collegium Artisticum”, 5. aprila je otvorio tradicionalnu izložbu posvećenu Danu grada Sarajeva. Nosioc organizacije ovogodišnje izložbe je Asocijacija arhitekata, uz saradnju sa Udruženjem likovnih umjetnika primijenjenih umjetnosti i dizajnera i Udruženja likovnih umjetnika. U svom prigodnom obraćanju gradonačelnik Skaka se u ime Grada Sarajeva, koji već godinama podržava ovu godišnju izložbu, umjetnicima zahvalio na rođendanskom poklonu gradu i čestitao dobitnicima nagrada. Umjetnici iz cijele Bosne i Hercegovine, njih 140, izlagali su svoja najvrednija ostvarenja nastala u protekloj godini i tom prilikom dodijeljene su nagrade najboljima u svim likovnim disciplinama.

IZLOŽBA „USPINJAČA“

Grad Sarajevo i Muzej grada Sarajeva upriličili su izložbu "Uspinjača" koja je za posjetioce otvorena 5. aprila u Vijećnici. Ova jedinstvena izložba posvećena je Trebevičkoj žičari, simbolu grada Sarajeva. Namjera autorica-kustosica Muzeja Sarajeva: Aide Sulejmanagić, Amre Madžarević i Žanke Dodig je bila da ovom izložbom ispričaju priču o životu stare žičare, koja je bila u funkciji 30-ak godina, od 1959. pa sve do 1992. godine, kada je na početku agresije na naš grad i zemlju, razrušena. Izložba „Uspinjača“ podijeljena je na osam tematskih cjelina. Početak je vezan za otvaranje žičare, zatim slijede priče o planini Trebević, o izletima, planinarenju, sankanju, spuštanju niz padine Trebevića, o Olimpijadi, o uništavanju žičare i njenih stanica i naravno, ponovna izgradnja. Posjetioci su imali priliku vidjeti izloženu originalnu kabinu stare Trebevičke žičare, fotografije sa svečanog otvaranja, te fotografije ljudi koji su radili u pogonima. Osim toga, postavljeni su primjerci starih ligura, rodla, drvenih skija te rekvizita koje smo nosili u žičari. Ova izložbena postavka je podsjećanje stanovnika Sarajeva na njihovo djetinjstvo i mladost, a u isto vrijeme i namjera da mladi i novi stanovnici upoznaju još jedan segment života u našem gradu, kako smo se nekad bavljali i uživali u čarima planine, a zahvaljujući upravo žičari. U realizaciji izložbe, svojim eksponatima, pomogli su KJKP "GRAS", Historijski arhiv i Olimpijski muzej.

KONCERT DANSKE GRUPE „EINSATZ“

Poklon gradu i ljubiteljima metal-rok muzike bio je i koncert danske grupe „Einsatz“ koja se Sarajevu predstavila sa projektom "Fantom slobode" 6. aprila u Domu mladih. Na ovom gala koncertu publici se predstavila i grupa Dolia, budućnost Sarajeva i Bosne i Hercegovine. Ulaz je bio besplatan, a svi posjetioci su dobili poklon majicu sa logom ove grupe. Organizatori koncerta bili su Radio M i Sani Records.

PREMIJERA PREDSTAVE ZA DJECU „LAKONOGA U ČAROBNOJ ŠUMI“

Na sceni JU "Bosanski kulturni centar Kantona Sarajevo", na Dan grada Sarajeva – 6. aprila, premijerno je izvedena predstava "Lakonoga u čarobnoj šumi", kao poklon našim najmlađim građanima. Iako je primarno namijenjena za predškolski i školski uzrast, radi se o poučnoj predstavi, ne samo za djecu nego i odrasle, stoga su roditelji zajedno sa svojim mališanima jednako uživali u predstavi. Najvažnija poruka predstave je značaj iskrenog prijateljstva. Ulaz na ovu predstavu bio je besplatan. Predstavu je režirao i adaptirao Riad Ljutović, a glumci u ovoj muzičkoj basni su Andrea Aković u ulozi Lakonoge, Armin Omerović je Lisac Dugonja i mladi

Filip Radovanović, pauk Pepe. Predstava je organizirana u koprodukciji Udruženja "Fani" i Javne ustanove "Bosanski kulturni centar Kantona Sarajevo". Producenti su Fahrudin Kučuk i Edin Kukavica, a projekt je podržan od strane Grada Sarajeva.

SPORTSKE MANIFESTACIJE

MEĐUNARODNI HRVAČKI TURNIR "KUP GRADA SARAJEVA 2018"

Termin: 07.04.2018. godine, Olimpijska dvorana "J.A.Samaranch"

Organizator: Hrvачki klub "Bosna"

Pod pokroviteljstvom Grada Sarajeva u Olimpijskoj dvorani Zetra održan je XII Međunarodni hrvački turnir za kadete i dječake. Na turniru je učestvovalo preko 100 takmičara iz 12 država. Najviše uspjeha su imali hrvači sarajevske Bosne. Za najuspješnijeg stranog takmičara proglašen je Jakub Šimčik, HK Sokol Hodonin (Češka), a najuspješniji domaći takmičar je Harun Sukić, HK Bosna Sarajevo. Odobrena finansijska sredstva Grada Sarajeva su utrošena za zakup dvorane „Zetra“, medalje i pehare, naknadu sudijama i dio troškova smještaja učesnika. Takmičenje je otvorio Almedin Miladin, gradski vijećnik.

MEĐUNARODNI KOŠARKAŠKI TURNIR

Termin: 06.-08.04.2018. godine, Centar Skenderija

Organizator: Košarkaški klub „Koš“

Na ovogodišnjem turniru učestvovala su 24 ekipe, raspoređene u četiri kategorije: juniori, kadeti, pioniri i minibasket. Pored ekipa iz Bosne i Hercegovine na turniru su učestvovala ekipe iz Srbije, Hrvatske, Crne Gore, te reprezentacija Makedonije i BiH. Turnir je donio nekoliko zanimljivih okršaja u svim kategorijama. Najzanimljivije je bilo u juniorskoj konkurenciji. Treće mjesto je pripalo K.K.Budućnost koja je savladala K.K. Kvarner rezultatom 94-57. Finalna utakmica juniorskog takmičenja donijela je dvoboj između KK Koša-a i KK Spars-a. KK Spars je ovaj put bio bolji od naših momaka te zasluženio slavio na kraju rezultatom 85-62. Proglašena je i petorka turnira-juniori: Dorijan Benković(Kvarner), Andrija Slavković(Budućnost Voli), Emir Bačvić (Koš), Kenan Kamenjaš(Spars) i Tarik Biberović (Spars). Kenan Kamenjaš je MVP turnira. Kadetsko takmičenje je pripalo domaćinima, Koš-u, koji su odličnom igrom u finalu svladali ekipu KK Dubrovnik. Treće mjesto je pripalo ekipi KK Modriča koja je savladala KK Kvarner. Petorka turnira-kadeti: Mirza Selimović (Koš), Alija Islamović (Koš), Stefan Popović (Modriča), Vito Kučić (Kvarner) i Koprivica Petar (Dubrovnik). Alija Islamović je MVP turnira. U kategoriji pionira KK Budućnost Bijeljina je zauzela 1. mjesto u finalu protiv KK Kvarner. Treće mjesto je osvojila ekipa Sparsa u utakmici protiv KK Kakanj. Peto mjesto je osvojila KK Cedevita, a šesto mjesto KK

Koš. Petorka turnira-pioniri: Barol Lučić(Kakanj),Bejtić Alen(Spars),Damijan Škoro (Koš),Sablić Anton(Kvarner),Radovanović Nikola (Budućnost Bj.). MVP turnira je Nikola Radovanović(Budućnost Bijeljina). U kategoriji minibasket: 1.KKZadar, 2.KKBudućnost, 3.KKKoš.Takmičenje je otvorio gradonačelnik mr. Abdulah Skaka.

MEĐUNARODNI ŠESTOAPRILSKI TURNIR U STRELJAŠTVU

Termin: 06.-08.04.2018. godine, Streljana Zetra

Organizator: Streljački klub Sarajevo

Na ovogodišnjem takmičenju nastupio je rekordan broj takmičara, te 20 klubova iz Slovenije, Hrvatske, Crne Gore, Srbije i Bosne i Hercegovine. U pojedinačnoj ženskoj konkurenciji u finalu najbolja je bila Marta Zeljković iz Hrvatske sa pogođenih 246,9 kruga, ispred slovenki Urške Hrašovec sa 245,9 krugova i Urške Kuharić sa 224,8 krugova. U ekipnoj konkurenciji kod seniorki najbolja je bila ekipa SD Dalmacijacement iz Hrvatske sa 1855,2 kruga, drugo mjesto osvojile su takmičarke SD Kovinar iz Slovenije sa pogođenih 1846,2, a treće reprezentacija Makedonije sa 1819,7 krugova. Kod seniroa pojedinačno prvo mjesto osvojio je Denis Tomašević iz Hrvatske sa pogođenih 246,5 krugova, drugi je bio Borna Petanjek iz Hrvatske sa pogođenih 245,8 krugova, treći je bio Benjamin Jodl iz Slovenije sa pogođenih 221,2 kruga. U ekipnom plasmanu najbolji su bili naši takmičari SK Sarajevo sa pogođenih 1843,3 kruga, ispred ekipa iz Slovenije SD Trzin koji je pogodio 1834,8 krugova, te SD I Pohorski bataljon sa 1828,3 kruga. Odobrena finansijska sredstva Grada Sarajeva su utrošena za troškove medalja i pehara, nagrade najboljim takmičarima, troškove suđenja, servis elektronskih meta i nabavku potrošnog materijala za elektronske mete.Takmičenje je otvorio Almedin Miladin, gradski vijećnik.

MEĐUNARODNI PLIVAČKI MITING "SARAJEVU S LJUBAVLJU 2018"

Termin: 31.03. -01.04.2018. godine, Olimpijski bazen "Otoka"

Organizator: Plivački klub "Bosna"

Miting se tradicionalno održava u povodu 6. aprila - Dana grada Sarajeva, a ove godine ponovo je u FINA kalendaru, odnosno, certificiran je za isplivavanje normi za Olimpijske igre mladih koje se održavaju u Buenos Airesu 2018, te Evropsko seniorsko prvenstvo Glazgov 2018. Na ovogodišnjem mitingu "Sarajevu s ljubavlju" nastupilo je 400 plivačica i plivača iz 37 klubova, koji su došli iz 9 zemalja: Austrije, Albanije, Bosne i Hercegovine, Crne Gore, Katara, Kosova, Makedonije, Turske i Srbije. Najuspješniji po kategorijama po zbiru četiri najbolja rezultata iz 4 discipline, koji su nagrađeni peharima bili su: apsolutna kategorija Kristijan Lakatoš (Vojvodina, Novi Sad) i Emina Pašukan (Bosna, Sarajevo), Juniori Marko Kovačić (22.april, Banja Luka) i

Hena Mešić (Sport Time, Sarajevo), Mlađi juniori Nikola Lazarević (Kolubara, Lazarevac) i Nađa Lazarević (Kolubara, Lazarevac), Kadeti Tarik Trgo (Bosna, Sarajevo) i Lana Pudar (Orka, Mostar), te mlađi kadeti Danis Alikalfić (Velež, Mostar) i Erin Hrustemović (Bosna, Sarajevo). Najvrijednije rezultate po FINA bodovima i novčane nagrade osvojili su Emina Pašukan PK Bosna Sarajevo, Mila Medić i Kristijan Lakatoš iz PK Vojvodina Novi Sad. Takmičenje je otvorio Elvir Hadžiahmetović, pomoćnik gradonačelnika.

I MEĐUNARODNI FUDBALSKI TURNIR „VALTER KUP 2018.“

Termin: 06. - 08.04.2018. godine, Fudbalski tereni kampa FK Sarajevo

Organizator: Škola fudbala Valter

Povodom obilježavanja 6. aprila - Dana grada Sarajeva, Škola fudbala je organizovala I Međunarodni turnir „Valter KUP 2018“ na kojem je nastupilo 32 ekipe iz 10 zemalja. Na turniru je učestvovalo 600 učesnika u uzrasnim kategorijama U13 i U15. Pobjednik u kategoriji U13 je ekipa NK Dinama iz Zagreba, ispred NK Osijek i FK Crvene Zvezde. U kategoriji U15 sva tri prva mjesta osvojile su ekipe iz Turske. Prvo mjesto je osvojio FK Bursaspor, drugo mjesto FK Kasimpaša, a treće mjesto Fenerbahçe. Takmičenje je otvorio gradonačelnik mr. Abdulah Skaka.

TURNIR U STRELJAŠTVU ZA OSOBE SA INVALIDITETOM

Termin: 01.04.2018. godine, Streljana Zetra

Organizator: Streljački savez invalidnih lica FBiH

Na 16. tradicionalnom šestoaprilskom turniru u streljaštvu za invalidna lica, učestvovalo je 84 strijelaca sa 13 muških i 3 ženske ekipe iz Sarajeva, Bijeljine, Kladnja, Živinica, Banovića, Tuzle, Maglaja, Zenice, Donjeg Vakufa, Sanskog Mosta i Trebinja. Prvo mjesto u gađanju vazdušnom puškom, u pojedinačnoj konkurenciji muškaraca po kategorijama invalidnosti osvojio je Šaban Fatić iz Sarajeva sa 182, Enver Smajić iz Živinica sa 179 krugova, i Mumaer Ajanović iz Donjeg Vakufa sa 185 krugova. Kod žena Kadira Nukić iz Tuzle sa 163 krugova, Mirela Ramić iz Tuzle sa 164 kruga, te Alma Hodžić iz Živinica sa 178 krugova. U ekipnoj konkurenciji kod muškaraca najbolji je SIK Orao iz Bijeljine sa 529 krugova, a kod žena SIK Tuzla sa 450 krugova. Takmičenje u ime Grada je otvorila Edina Gabela, dopredsjedavajuća Gradskog vijeća, a prisutna je bila i Amina Deljković, pomoćnica gradonačelnika.

MEĐUNARODNI KUGLAŠKI TURNIR ZA SLIJEPE „SARAJEVO 2018“

Termin: 13-14.04.2018. godine, Kuglana "Zetra"

Organizator: Sportsko društvo slijepih i slabovidnih KS

Povodom Dana grada Sarajeva, u kuglani "Zetra", održan je 10. Međunarodni kuglaški turnir za slijepe „Sarajevo 2018“. Na ovogodišnjem turniru je učestvovalo 77 kuglaša iz Njemačke, Hrvatske, Srbije, Slovenije i Bosne i Hercegovine. Takmičili su se u 8 pojedinačnih kategorija, te ekipno. Najuspješnija ekipa je SKS Zagreb, naše najuspješnije takmičarke na turniru su bile Emina Zahirović Sarajevo osvojivši drugo mjesto u kategoriji B3 i Senada Karišik iz Sarajeva koja je osvojila treće mjesto u kategoriji B2. Takmičenje je otvorila Amina Deljković, pomoćnica gradonačelnika

MEĐUNARODNI ŠAHOVSKI FESTIVAL „SARAJEVO 2018“

Termin: 07.04.2018. godine,, Dom oružanih snaga BiH

Organizator: Šahovski klub "Sarajevo"

Na ovogodišnjem šahovskom turniru učestvovalo je 124 igrača na dva turnira, od čega na glavnom turniru 89 šahista i 35 igrača na omladinskom turniru. Na glavnom turniru učestvovalo je 6 velemajstora, 5 internacionalnih majstora, 8 FIDE majstora iz Srbije, Hrvatske, Crne Gore i BiH. Pobjednik Festivala je Miodrag Savić velemajstor iz Beograda koji je sakupio 7,5 poena iz 9 kola. Takmičenje je otvorio gradonačelnik mr. Abdulah Skaka.

EKIPNO PRVENSTVO GRADA OSNOVNIH ŠKOLA U ŠAHU

Termin: 06.04.2018. godine,Hotel Saraj

Organizator: Šahovski klub Stari Grad

Na ovogodišnjem šahovskom turniru učestvovalo je 11 školskih ekipa koje su odigrale pet kola po švicarskom sistemu. Prvo mjesto pripalo je ekipi OŠ „Ćamil Sijarić“, drugo OŠ „Musa Ćazim Ćatić“, a treće OŠ „Vrhbosna“. Tri pobjedničke ekipe su dobile pehare, a svih šest članova zlatne, srebrne i bronzane medalje. Šest najboljih ekipa su dobile diplome i šahovske knjige. Pet najboljih ekipa dobili su šahovske knjige i diplome. Takmičenje je u ime Grada Sarajeva otvorio Tarik Zečić, stručni saradnik za kulturno historijsko naslijeđe.

ŠESTOAPRILSKI MEMORIJALNI TURNIR „JOSIP KATALINSKI ŠKIJA“

Termin: 06.-07.04.2018. godine, Stadion Koševo i Stadion Otoka

Organizator: Fudbalski savez BiH

Na ovogodišnjem turniru nastupile su 4 ekipe u uzrasnoj kategoriji U15. Pobjednik turnira je reprezentacija Makedonije.

MEĐUNARODNI MEMORIJALNI JUDO TURNIR „VINKO ŠAMARLIĆ“

Termin: 21.04.2018. godine, Sportska dvorana Novo Sarajevo

Organizator: Judo klub „Željezničar“

Judo klub „Željezničar“ je povodom 6. aprila – Dana grada Sarajeva organizovao 26. Međunarodni memorijalni judo turnir „Vinko Šamarlić“ koji spada među najkvalitetnije u BiH po masovnosti i kvaliteti takmičara, te organizaciji. Na turniru je učestvovalo 530 takmičara iz 42 ekipe iz naše i iz zemalja okruženja Hrvatske, Srbije, Crne Gore, Slovenije i Mađarske. Prvo mjesto ekipno osvojio je JK „Famos“ – Lukavica, drugo mjesto JK „Trebjesa“ – Nikšić, a treće JK „Randori“- Istočno Sarajevo i JK „Brača Lukać“ – Sarajevo. 1. Najbolja mlađa poletarka: Adilović Ajša – JK „Brača Lukać“. Pojedinačno najbolji mlađi poletarac je Smailović Kenan - JK Željezničar, najbolji poletarac je Bulatović Andrija JK Hercegovac, najbolja poletarka je Tomić Dunja - JK Zvornik, najbolji stariji dječak je Ždrale Lazar - JK Randori, najbolja starija djevojčica je Veselinović Andjela – JK Famos, najbolja kadetkinja Brkanić Ema – JK Bosna, najbolji kadet Danilo Adam – JK Vršac Lokomotiva Srbija. Proglašeni su i najbolji takmičari turnira, a za najbolju takmičarku je proglašena Nataša Jeftić JK Trebjesa Nikšić, te najbolji takmičar je Miljan Veletić JK Famos Lukavica. Turniru je prisustvovao u ime Grada Sarajeva Nedžad Fazlija, viši stručni saradnik za sport.

WORLD KARATE GRAND PRIX – „ALIJA IZETBEGOVIĆ“

Termin: 22.04.2018. godine, Olimpijska dvorana ZETRA

Organizator: Univerzitetski karate klub „Bosna“

U okviru ovogodišnje Grand Prix-a održano je 51. Prvenstvo BiH za seniore-ke na kojem je nastupilo preko 50 klubova iz cijele BiH. U okviru takmičenja "TOP 8" za žene, predsjedavajući Predsjedništva BiH Bakir Izetbegović uručio je medalje i prehare za prva tri mjesta: 1. Ivona Čavar (Mostar), 2. Mojsavska Angela (Skoplje), 3. Zenira Bektaš (Sarajevo) i Lucija Lesjak (Čakovec). Turniru je prisustvovao u ime Grada Sarajeva Nedžad Fazlija, viši stručni saradnik za sport.

KARATE TURNIR „KARATE KUP OSLOBOĐENJA – MEMORIJAL SALKO ĆURIĆ“

Termin: 01.04.2018. godine, Centar Skenderija Dvorana 1

Organizator: Karate klub „Salih Salko Ćurić“

Na ovogodišnjem turniru pored domaćih takmičara učestvovali su i gosti iz Srbije, Hrvatske i Crne Gore. Ukupno je učestvovalo 207 takmičara iz 36 klubova. Najviše medalja je osvojio KK Unija Tešanj i ukupno osvojenih 16 bodova, ispred KK Gračanica sa osvojenih 9 bodova, te KK Mawashi Sarajevo koji je osvojio 8 bodova. Kod senior u borbama prvo mjesto je osvojio Anes Ćongo is KK Champion Sarajevo, a u katama kod seniroki Biserka Radulović KK Budućnost Podgorica. Takmičenje je otvorio zamjenik gradonačelnika Milan Trivić, koji je zajedno sa pomoćnicom gradonačelnika Aminom Deljković uručio pehare i medalje najboljim ekipama i takmičarima.

"STELEKSIJADA 2018"

Termin: 01.-02.04.2018. godine, OŠ Grbavica I.

Organizator: Udruženje studenata Elektrotehničkog fakulteta "Steleks"

Sportska manifestacija koju organizuje Udruženje studenata Elektrotehničkog fakulteta „Steleks“, okupila je oko 200 studenata Univerziteta u Sarajevu koji su se takmičili u sportskim disciplinama: mali nogomet, košarka, šah i stoni tenis. Glavni cilj ove manifestacije, koja se održava pod pokroviteljstvom Grada Sarajeva, je promovisanje sporta i zdravog načina života među studentima, te poticanje na saradnju i njegovanje timskog duha. Manifestaciju je u ime Grada Sarajeva otvorio Nedžad Fazlija, viši stručni saradnik za sport.

VII MEĐUNARODNA REVIIJA SPORTA

Termin: 03-06.04.2018. godine, Sportska dvorana JU Peta gimnazija, Sportska dvorana Dobrinja, i SRC Safet Zajko

Organizator: JU Peta gimnazija

Na ovogodišnjoj reviji sporta nastupilo je oko 500 učenika iz četiri zemlje Srbije, Hrvatske, BiH i Turske. JU Peta gimnazija je osvojila 5 prvih mjesta (fudbal muškarcima, košarka muškarcima, rukomet muškarcima, košarka žene, odbojka žene), a II Ekonomska škola iz Beograda osvojila je prva mjesta u fudbalu i rukometu za žene. Međunarodnoj reviji sporta u ime Grada su prisustvovali Edina Gabela, dopredsjedavajuća Gradskog vijeća, Adnan Gušo, gradski vijećnici i Amina Deljković, pomoćnica gradonačelnika.

IV PROGRAM NA OTVORENOM: Otvaranje Sarajevke žičare, Kafa sa gradonačelnikom i Izložba „Uspomene“

OTVARANJE SARAJEVSKE ŽIČARE

Nova Sarajevska žičara otvorena je na svečanoj ceremoniji povodom 6. aprila u prisustvu više od 300 zvaničnika, gostiju, građana BiH i novinara iz cijelog svijeta. Žičaru su u svečano pustili u promet Edmond Offermann, glavni donator i gradonačelnik Sarajeva mr. Abdulah Skaka. Riječ je o najvećem infrastrukturnom i razvojnom projektu koji realizira Grad Sarajevo u poslijeratnom periodu. U izgradnju je investirano oko 20 miliona maraka, od čega je sedam miliona KM donacija Počasnog građanina Grada Sarajeva, gospodina Offermanna.

Gradonačelnik Sarajeva mr. Abdulah Skaka zahvalio se svim delegacijama, gostima i građanima Sarajeva. Svečanosti su, između ostalih, prisustvovali Šefik Džaferović, zamjenik predsjedavajućeg Predstavničkog doma Parlamenta BiH, Safet Softić, zamjenik predsjedavajućeg Doma naroda Parlamenta BiH, državni ministri Semiha Borovac i Ismir Jusko, premijer Federacije BiH Fadil Novalić, ministar unutrašnjih poslova Aljoša Čampara, premijer Kantona Sarajevo Adem Zolj te brojni drugi državni, entitetski, kantonalni i općinski zvaničnici.

Također, brojne delegacije bratskih i partnerskih gradova su uveličale skup. Tu su, među mnogim gostima, bili gradonačelnici Beča, Ankare, Zagreba, Skoplja, delegacije Moskve, Ljubljane, Budimpešte, Dohe, Insbruka, Magdeburga, Dubrovnika, Pule, Prata, Novog Pazara, Goražda i Brčko-Distrikta. Otvorenju su prisustvovali predstavnici diplomatskog kora i brojne javne ličnosti među kojima visoki predstavnik Valentin Incko te selektor bh. fudbalske reprezentacije Robert Prosinečki. Nakon otvaranja gosti su imali priliku uživati u panoramskoj vožnji žičarom. Gradonačelnik Sarajeva mr. Abdulah Skaka i donator Edmond Offermann otkrili su spomen-ploču Rami Biberu na dolaznoj stanici Sarajevske žičare. Svečanoj ceremoniji su prisustvovali i članovi porodice Biber. Ramo Biber je kao radnik Javnog komunalnog preduzeća Gras, ubijen na radnom mjestu 1. marta 1992. godine, dok je obezbjeđivao i čuvao Sarajevsku žičaru. Time je nakon tri decenije prestala da radi stara žičara. „Bio je čuvar našeg simbola, a mi ćemo čuvati njegovo ime“, istaknuto je na spomen-ploči kao podsjetnik na čuvara koji je branio simbol grada Sarajeva.

Također, gradonačelnik je uručio priznanje Muhamedu Hamamdžiću, najstarijem radniku prijeratne Sarajevske žičare.

KAFA SA GRADONAČELNIKOM

I ovog aprila na Dan grada, na prepunom Baščaršijskom trgu, gradonačelnik Sarajeva Abdulah Skaka je građane Sarajeva počastio bosanskom kafom i tradicionalnim poslasticama. Sarajlije su imale priliku da se uz kafu druže i sa predstavnicima bratskih i partnerskih gradova, između ostalog sa gradonačelnikom Ankare Mustafom Tunom, gradonačelnikom Zagreba Milanom Bandićem i gradonačelnikom Skoplja Petrom Šilegovim. Ovaj događaj obilježio je i nastup grupe Divanhana koja je ovom prigodom otpjevala neke od najljepših sevdalinki.

IZLOŽBE USPOMENE

Istovremeno, na Baščaršijskom trgu je otvorena **izložba fotografija "Uspomene"** iz porodičnih albuma na kojima se nalazi sarajevska žičara. Fotografije su postavljene u izloge radnji duž ulice Sarači. Grad Sarajevo pozvao je sve zainteresirane građane koji posjeduju u ličnom albumu porodične ili lične fotografije nastale na prostoru kretanja Trebevičke žičare, od 1959. godine do 1992. godine, da dostave fotografije i učestvuju u konkursu pod nazivom Uspomene.

Upravo izložba najboljih fotografija po kriteriju ličnog doživljaja, fotografije koja je nastala na području kretanja nekadašnje Trebevičke žičare ili fotografija iz ličnog/porodičnog albuma, sa naznakama vremenskog perioda kada je ista i nastala – obilježila je ovogodišnju izložbu u Saračima. Nekoliko dana ranije cijelom dužinom ulice Sarači postavljene su instalacije – ukrasi mini kabina koje su najavile izložbu i dodatno upotpunile ambijent.

Sve pristigle fotografije izložene su u uličnom performansu, a posebna notu daje činjenica da su sve ustupili sami građani. Izabrane su tri najbolje fotografije koje su novčano nagrađene. Nakon proglašenja nagrađenih fotografija, što je uradio Igor Gavrić, predsjedavajući Gradskog vijeća, gradonačelnik Skaka i građani Sarajeva prošli su ulicom Sarači i pogledali izložene fotografije.

PRVO ULIČNO BIJENALE GRAFIKE „GRAFIČKO PROLJEĆE“ U SARAJEVU

Realizacija projekta Prvo ulično bijenale grafike „Grafičko proljeće“ u Sarajevu se sastojala od nekoliko etapa. Prva je podrazumijevala selekciju i odabir grafičkih listova i njihovo dopremanje u Sarajevo u koordinaciji s autorima/cama (22 izlagača iz Bosne i Hercegovine, Hrvatske, Srbije, Crne Gore, Italije i Francuske). Za kvalitetnu prezentaciju umjetnika i umjetnica prikupljene su njihove fotografije, tekst o značenju, sadržaju i vrijednosti ovog uličnog Bijenala. Sve prikupljene podatke obradila je grafička dizajnerka Hana Zec, koja je realizirala vizuelni identitet Bijenala kroz: pozivnice, katalog, info panoje, plakate i specifikacije radova s biografskim podacima i

fotografijama umjetnika. Kao specijalni gosti uličnog Bijenala Grad Sarajevo ugostio je Giandomenica Romanelli i Patrizia Maria De Micheli iz Italije.

Grafike su postavljene u 30 izloga na potezu dijela Titove ulice i Ferhadije (do Katedrale). U jednom od izloga je izložen materijal vezan za grafiku (Safet Zec dopremio je kompletan materijal, četiri knjige, matrice i grafički pribor).

Studenti Grafičkog odsjeka Akademije likovnih umjetnosti u Sarajevu (Marina Krsmanović, Alen Burazerović, Mirza Rahmanović i Ensar Hadžić) na dan otvorenja, Dan oslobođenja grada Sarajeva, 6. aprila, ispred tržnice Markale demonstrirali su uživo pred građanima i građankama Sarajeva kako nastaje grafika u tehnici duboke i visoke štampe. Na svečanom otvorenju prisutnima se obratio gradonačelnik Sarajeva mr. Abdulah Skaka, Safet Zec, Ema Mazrak i Giandomenico Romanelli, historičar umjetnosti i direktor venecijanskog muzeja Corer. Ceremonija otvaranja protekla je uz izvedbu studenata Muzičke akademije pod dirigentskom palicom Emira Mejremića, koji su izveli prigodne melodije muzičkih klasika. Cjelokupna organizacija trajala je dva mjeseca.

V SVEČANA SJEDNICA GRADSKOG VIJEĆA GRADA SARAJEVA

Svečana sjednica Gradskog vijeća u povodu Dana Grada Sarajeva, održana je u Vijećnici 6. aprila sa početkom u 19.30 sati. Svečanosti je prisustvovalo je blizu 350 zvanica. Uz prisustvo diplomatskog kora, predstavnika svih nivoa vlasti u zemlji, gradskih vijećnika i ranijih gradonačelnika, svečanost su uveličali predstavnici bratskih i partnerskih gradova: Ankare, Moskve, Ljubljane, Zagreba, Skoplja, Budimpešte, Dohe, Innsbrucka, Magdeburga, Dubrovnika, Pule, Prata, Novog Pazara, Goražda i Brčko-Distrikta. Goste i zvanice je, u ulozi domaćina, pozdravio predsjedavajući Gradskog vijeća Igor dr. Gavrić. Čestitkama se pridružio i gradonačelnik mr. Abdulah Skaka koji je prigodnom obraćanju istaknuo da je 6. april najsudbonosniji dan u burnoj i slavnoj prošlosti grada i prilika da se svi prisjete onih koji su branili Sarajevo. Podsjetio je da je Sarajevo poseban grad o čemu svjedoče njegovi stanovnici i mnogobrojni gosti, a kao glavni grad BiH ima mnogobrojne resurse te je zbog toga postao regionalni centar i evropski partner u različitim projektima. Najavio je da će gradska administracija nastaviti unapređivati život u gradu radeći na infrastrukturnim projektima i svim drugim projektima od značaja za građane Sarajeva, ali i one koji ga posjete.

Predsjedavajući Gradskog vijeća Gavrić je uručio „Šestoaprilsku nagradu Grada Sarajeva“ u 2018. godini: Univerzitetском karate klubu „Bosna“ za doprinos u oblasti sporta, „Centrotrans – Eurolines“ Sarajevo u oblasti privrede, Udruženju veterana odreda policije za specijalne namjene „Lasta“ u oblasti rada i stvaralaštva, prof. dr. Ismetu Gavrankapetanoviću u oblasti zdravstva i socijalne zaštite, Emiru Hadžihafizbegoviću u oblasti kulture i umjetnosti i prof. dr. Tatjani Ljujić-Mijatović u oblasti nauke i obrazovanja.

Gradonačelnik Skaka je uručio Plaketu Grada Sarajeva za postignute rezultate Kulturnom centru „Kralj Fahd“, Vladi Ragužu i prof. dr. Kurtu Kalcheru, te nagradu „Sarajevska pahuljica“ sedmogodišnjem hrabrom i odvažnom Ismailu Zulfiću, kojem invaliditet ne predstavlja prepreku pri osvajanju medalja u plivanju. Nagrada „Graham Bmford“ za građansku hrabrost ove godine pripala je Kenanu Ćubari i Irhanu Foči (posthumno).

Program svečane sjednice činili su još:

Sarajevo Big Bend izvedba- SARAJEVO LJUBAVI MOJA

Performer Mirsad Tuka -recital Ivo Andrić

Baletni performans s koreografijom «Četiri mladića idu s Trebevića, Koreografija Amina Sulejmanpašić, četiri profesionalna baletna igrača.

Horovi iz Sarajeva, nastupili su zajedno i otpjevali pjesmu “Sarajevo će biti, sve drugo će proći” uz instrumentalnu pratnju Big Bend u original intonaciji, pod dirigentskom palicom prof. Ognjena Bomoštar. Horovi koji su nastupali: MePZ "Camerata Slovenica, Superar, JU Djeca Sarajeva.

Program obilježavanja Dana grada Sarajeva završen je spektakularnim vatrometom.

Nakon Svečane sjednice upriličena je svečana večera za goste iz prijateljskih gradova te dobitnike priznanja i nagrada Grada Sarajeva.

VI MEĐUNARODNA SARADNJA

Obilježavanju ovogodišnjeg 6. aprila - Dana grada Sarajeva prisustvovala su delegacije iz 16 inostranih pobratimskih i partnerskih gradova: Ankara, Beč, Budimpešta, Collegno, Doha, Dubrovnik (Grad Dubrovnik, Dubrovačko neretvanska županija (DNŽ), Bošnjačka nacionalna zajednica DNŽ), Innsbruck, Istanbul, Ljubljana, Magdeburg, Moskva, Novi Pazar, Prato, Pula, Skoplje i Zagreb.

Sastav delegacija:

Grad Ankara (Republika Turska):

- Mustafa Tuna, gradonačelnik
- Ramazan Kabasakal, šef Odjela za međunarodnu saradnju

Grad Beč (Republika Austrija):

- Michael Häupl, gradonačelnik
- Wolfgang Müller
- Michal Polak
- Martin Ritzmaier
- Kurt Wagner

Grad Budimpešta (Republika Mađarska):

- Balázs Szeneczey, zamjenik gradonačelnika za razvoj grada
- Szabina Nagyváradi, Odjeljenje za međunarodnu saradnju

Grad Collegno (Republika Italija):

- Francesco Casciano, gradonačelnik
- Lucetta Palitto, predsjednica Mirovne fondacije Graditelji mira, bivša gradska vijećnica za mir i ljudska prava.
- Michele Mellace, član Mirovne fondacije Graditelji mira, aktivan na polju mira i ljudskih prava. Raniji predsjedavajući Gradskog vijeća Collegno.

Grad Dubrovnik (Republika Hrvatska):

- Jelka Tepšić, zamjenica gradonačelnika
- Zrinka Raguž, pročelnica Upravnog odjela za Europske fondove, regionalnu i međunarodnu saradnju
- Tonči Daničić, zamjenik pročelnice Upravnog odjela kulture

Grad Innsbruck (Republika Austrija):

- Sonja Pitscheider, zamjenica gradonačelnice

Grad Istanbul (Republika Turska):

- Can Gokhan Balekoglu, pomoćnik načelnika istanbulske Općine Bayrampasha

Grad Ljubljana (Republika Slovenija):

- Zoran Janković, gradonačelnik
- Tjaša Ficko, zamjenica gradonačelnika
- Predrag Subotić, Odsjek za međunarodne odnose i protokol

Grad Magdeburg (SR Njemačka):

- Andreas Schumann, predsjedavajući Gradskog vijeća Grada Magdeburga i član parlamenta Savezne pokrajine Sachsen- Anhalt
- Uwe Zachert, Koordinator za saradnju s pobratimskim gradovima

Prefektura Centralnog administrativnog okruga Grada Moskva (Ruska Federacija):

- Larisa Tiunova, zamjenica prefekta
- Natalia Romanova, šef pod distrikta Moskve Zamoskvorechie
- Milana Bogaerts, savjetnica za međunarodne odnose

Grad Novi Pazar (Republika Srbija):

- Nihat Biševac, gradonačelnik
- Emir Aščerić, pomoćnik gradonačelnika

Grad Prato (Republika Italija):

- Matteo Biffoni, gradonačelnik

Grad Pula (Republika Hrvatska):

- Ardemio Zimolo, vijećnik Gradskog vijeća Grada Pule i predsjednik Odbora za saradnju s općinama, gradovima, regijama i međunarodnu saradnju
- Redžep Raimović, vijećnik Gradskog vijeća Grada Pule i predstavnik Bošnjačke nacionalne zajednice Pula

Grad Skoplje (Republika Makedonija):

- Petre Shilegov, gradonačelnik
- Enver Maliqi, član Gradskog vijeća
- Besim Limani, član Gradskog vijeća
- Svetlana Kolarikj, član Gradskog vijeća
- Marija Antova, kabinet gradonačelnika
- Marko Todorov, kabinet gradonačelnika

Grad Zagreb (Republika Hrvatska):

- Milan Bandić, gradonačelnik
- Harun Omerbašić, posebni viši savjetnik gradonačelnika
- Renata Arar, voditeljica Službe za međunarodnu saradnju
- Dragutin Žiljak, vanjski saradnik
- Gzim Redžepi, vanjski saradnik

Županijska skupština Dubrovačko-neretvanske županije: Dr. sc. Vilma Kosović dr. med., predsjednica Županijske skupštine DNŽ

Bošnjačka nacionalna zajednica Dubrovačko-neretvanske županije:

- Šemsudin Brković, predsjednik
- Namik Bakšić, sekretar

LBDI Holding, Katar (Doha): Mohamad Al Khayyat, izvršni direktor LBDI Holding, Katar (Doha)

Dobitnik priznanja "Plaketa Grada Sarajeva": Prof. dr. Kurt Kalcher

Glavni donator Sarajevske žičare: Edmond Offermann

Sudjelovanje u okviru programa obilježavanja Dana grada Sarajeva:

Delegacije su u skladu s Programom obilježavanja 6. aprila - Dana grada Sarajeva sudjelovale u sljedećim aktivnostima:

- Svečano puštanje u rad obnovljene Sarajevske žičare
- Kafa s Gradonačelnikom
- Otvaranje izložbe „Uspomene“
- Otvaranje izložbe Prvo ulično bijenale „Grafičko proljeće“
- Svečana sjednica Gradskog vijeća Grada Sarajeva

Bilateralni sastanci:

Bilateralni sastanci održani su 6. aprila s delegacijama Beča, Ankare, Moskve CAO, Dubrovnika, Skoplja, Budimpešte, Collegna, Županijske skupštine Dubrovačko-neretvanske županije:

~ Delegacija Grada Beča

Gradonačelnik Sarajeva Abdulah Skaka primio je delegaciju Grada Beča predvođenu gradonačelnikom Michaelom Häuplom. Gradonačelnik Häupl je istakao vidljive promjene i veliki napredak u obnovi grada u odnosu na njegovu prethodnu posjetu Sarajevu.

Govorio je o građanima BiH koji žive i rade u Beču i Republici Austriji uopće, i o njihovoj integraciji u austrijsko društvo.

Sagovornici su se složili da Austrijski bal, koji će i ove godine biti upriličen u Vijećnici 12. maja, treba postati tradicionalni događaj.

Izraženo je obostrano zadovoljstvo što će Grad Sarajevo od 02. do 04. jula 2018. godine biti domaćin treće po redu manifestacije „Dani Beča u Sarajevu“, kojom će se Grad Beč uz pomoć kulture promovirati u oblastima razvoja gradova, socijalnog stambenog prostora, snabdijevanja energijom i efikasnog korištenja energije, vodosnabdijevanja, javnog prijevoza, obrazovanja i kulture, kao i progresivnih strategija za pametne gradove.

~ Delegacija Grada Ankare

Gradonačelnik Ankare Mustafa Tuna zahvalio je na gostoprimstvu i čestitao gradonačelniku Sarajeva na uspješnom otvaranju značajnog infrastrukturnog projekta Sarajevske žičare. Razgovarano je o saradnji dva pobratimska grada i zajedničkim projektima.

~ Delegacija Centralnog administrativnog okruga Moskva

Sastanku s delegacijom CAO Moskva koju su činile zamjenica prefekta Larisa Tiunova, šefica poddistrikta Moskve Zamoskvorechie Natalia Romanova i savjetnica za međunarodne odnose Milana Bogaerts, prisustvovali su i predstavnici Ambasade Ruske Federacije u BiH zamjenik ambasadora Petr Frolov, Drugi sekretar Anton Sokolov, Treći sekretar Ana Ivljeva.

Tokom sastanka potvrđeno je održavanje koncerta Schnittke orkestra iz Moskve u Vijećnici 9. maja 2018. godine. Izražen je interes od strane CAO Moskva za razmjenu vaterpolista dva grada; CAO Moskva bi osigurao avio karte, a Grad Sarajevo bi trebao osigurati transfer, smještaj, ishranu, te sve neophodne aktivnosti/program na Olimpijskom bazenu Otoka. Upućen je poziv gradonačelniku da posjeti CAO Moskva.

~ Delegacija Grada Dubrovnika

Na sastanku s delegacijom Grada Dubrovnika koju su činili zamjenica gradonačelnika Jelka Tepšić, pročelnica Upravnog odjela za Europske fondove, regionalnu i međunarodnu saradnju Zrinka Raguz, i zamjenik pročelnice Upravnog odjela kulture Tonči Daničić, razgovarano je o nastavku saradnje, naročito na polju kulture i turizma. Zamjenica gradonačelnika Dubrovnika predložila je obnavljanje saradnje između Narodnog pozorišta Sarajevo i Kazališta Marin Držić (Dubrovačko nacionalno kazalište). S tim u vezi, Grad Sarajevo će upoznati Narodno pozorište Sarajevo s ovim prijedlogom. Gradonačelnik Sarajeva pozvan je na ovogodišnje Dubrovačke ljetne igre koje će biti otvorene 10. jula.

~ Delegacija Grada Skoplja

Na sastanku s delegacijom pobratimskog Grada Skoplja koju su činili gradonačelnik Petre Shilegov, gradski vijećnici Enver Maliqi i Besim Limani, te članovi kabineta gradonačelnika Marija Antova i Marko Todorov, razgovarano je o tradicionalnom prijateljstvu dva grada i želji da se ojačaju postojeće veze. Razmijenjene su informacije o aktivnostima gradskih uprava, razvoju turizma, potrebi uspostavljanja avionske linije koja će omogućiti bržu i efikasniju komunikaciju i saradnju, te lokaciji za postavljanje poklona grada Sarajeva - Sebilj česme u Skoplju. Gradonačelnik Skoplja je zamolio da Grad Sarajevo razmotri mogućnost ustupanja prostora za potrebe Udruge građana porijeklom iz Republike Makedonije.

~ Delegacija Grada Budimpešte

Na sastanku sa zamjenikom gradonačelnika Grada Budimpešte Balázsom Szeneczeyem razgovarano je o potrebi jačanja bilateralne saradnje Budimpešte i Sarajeva u različitim oblastima. Dogovoreno je da Budimpeštanska filharmonija nastupi u Vijećnici u prvoj sedmici septembra ove godine, te da se Grad Sarajevo službeno obrati Gradu Budimpešti sa zahtjevom za nastup navedene filharmonije.

~ Delegacija Grada Collegna

Na sastanku s delegacijom Grada Collegna koju su činili gradonačelnik Francesco Casciano i predstavnici Fondacije „Graditelji mira“ Lucetta Palitto i Michele Mellace, razgovarano je o 20. godišnjici pobratimskih odnosa između Sarajeva i Collegna.

S tim u vezi, gradonačelnici Skaka i Casciano svečano su potpisali dokument kojim se potvrđuje zajednička volja za obnavljanjem privredne, društvene, kulturne i sportske razmjene, te za promoviranjem univerzalnih vrijednosti mira i saradnje među narodima.

~ Predsjednica Županijske skupštine Dubrovačko-neretvanske županije

Prilikom susreta sa predsjednicom Županijske skupštine Dubrovačko-neretvanske županije Vilmom Kosović, razgovarano je o budućoj saradnji između Grada Sarajeva i Dubrovačko-neretvanske županije na područjima privrede, turizma, kulture i sporta.

Oficiri za vezu:

Ispred Grada Sarajeva bilo je zaduženo 18 uposlenika koji su kao oficiri za vezu bili na raspolaganju delegacijama tokom njihovog boravka u Sarajevu, od dočeka do ispraćaja, i to kako slijedi:

- Ankara (Azra Kurtagić Smajić)
- Istanbul (Azra Kurtagić Smajić)
- Beč (Ensar Eminović)

- Budimpešta (Nina Fućec)
- Collegno (Elvir Nišić, Emir Murga)
- Dubrovnik, Županijska skupština Dubrovačko-neretvanske županije i Bošnjačka nacionalna zajednica Dubrovačko-neretvanske županije (Belma Šegić, Tarik Zečić)
- Innsbruck (Faruk Čatal)
- Ljubljana (Mirela Kuč)
- Magdeburg (Faruk Čatal)
- Moskva - Centralni administrativni okrug (Merima Hadžiabdić)
- Novi Pazar (mr. Amina Deljković)
- Prato (Elvir Nišić, Emir Murga)
- Pula (Nermina Suljević)
- Skoplje (Naida Murtić, Zinaida Čengiće)
- Zagreb (Elvir Hadžiahmetović, Ismena Čaušević)
- Edmond Offermann, glavni donator Sarajevske žičare (Lejla Bešlagić)
- Kurt Kalcher, dobitnik "Plakete Grada Sarajeva" (Nejra Selimović)

VII PRESS ANALIZA

Otvaranje Sarajevske žičare na 6. april - Dan grada Sarajeva bio je događaj koji je privukao pažnju medija, ne samo iz BiH i regije, nego i iz cijelog svijeta.

Pozitivne slike iz Sarajeva otišle su u svijet putem najutjecajnijih svjetskih medija, među kojima su i tri najjače novinske agencije Reuters, AFP i Xinhua koje su imale svoje reportere sa lica mjesta. Njihove izvještaje, tekst i fotografije, prenijele su stotine medija.

Količina i izuzetno pozitivni karakter medijskih sadržaja su pokazatelj značaja događaja, ne samo za Sarajevo, nego za BiH u cijelini. O Žičari su izvještavali sa jednakom emocijom i mediji iz susjednih država poput Jutarnjeg lista ili beogradskog Kurira, kao i mediji iz cijele BiH. Otvaranje nove Žičare, većina svjetskih medija je predstavilo kao značajan korak u obnovi Sarajeva i zacjeljenju ratnih rana. Za ekipe stranih medija, koje su povodom Dana grada boravile u Sarajevu, 5. aprila je bilo upriličeno druženje u Vijećnici, i to za: Süddeutsche Zeitung, La Stampa, Der Spiegel, Wiener Zeitung, Tiroler Tageszeitung, Tageszeitung Dolomiten...

Domaći mediji su, značajnu pažnju posvetili i drugim događajima koji su bili u Programu obilježavanja 6. aprila, a direktan live prijenos otvaranja Sarajevske žičare i Svečane sjednice Gradskog vijeća je omogućila državna televizija BHRT.

Za praćenje cjelodnevnog programa obilježavanja 6. aprila – Dana grada Sarajeva bilo je akreditovan 201 predstavnik medijskih kuća iz zemlje i inostranstva.

Članke i priloge sa otvaranja Trebevičke žičare, uz prisustvo brojnih delegacija iz zemlje i inostranstva, objavili su gotovo svi vodeći svjetski, regionalni i domaći mediji.

Strani mediji: „Guardian“, BBC, Reuters, AFP, The New York Times, Xinhua, EPA, AA, TV ORF i Wiener Zeitung, Vijesti Donja Austrija NON i austrijski der Standard, „Tiroler Tageszeitung“, Der Spiegel, Süddeutsche Zeitung Tageszeitung Dolomiten, „La stampa“, TV TRT Haber i listovi „Milliyet“ i „Sondakika“, Al Jazeera, TV Saudijske Arabije, La Vanguardia, kanadski CBC, Ansamed, Yahoo News, MSN News, The Times, RFI, BTA (bugarska državna novinska agencija), USNews, Jakarta Post, Lonely Planet, New Indian Express, CalvertJournal, Glas Amerike, Slobodna Evropa...

Domaći mediji: BHRT1, FTV, Hayat TV, N1, Al Jazeera Balkans, TV1, FACE TV, TVSA, BH Radio 1, Federalni radio, RSG GROUP, agencije: Fena, Anadoluja, Onasa, portali: Klix, Radiosarajevo, Faktor; Vip, Depo, Vijesti... potom Oslobođenje, Dnevni avaz, Nezavisne, Dnevni list, Slobodna Bosna, Student...

Mediji iz regije: Blic, TANJUG, RTS, Novosti, Kurir, Agencija HINA, Jutarnji list portal index.hr, 24sata.hr, Slobodna Dalmacija, Glas Istre, Večernji list...

2. Otkrivanje spomen-ploča Rami Biberu: BHRT, Hayat TV, N1, Al Jazeera Balkans, TVSA, Agencija FENA, Oslobođenje, Dnevni avaz, klix.ba, radiosarajevo.ba, vijesti.ba, index.ba, fokus.ba, source.ba, naslovi.net, rejting.ba, bih.time.mk, ins.ba (Bh informativni servis), reporter.rs

3. Druženje gradonačelnika sa građanima i gostima Sarajeva na Baščaršijskom trgu preneseno je u: N1, Oslobođenju, agenciji Patria, klix.ba, depo.ba, index.ba, source.ba, nap.ba, novovrijeme.ba

4. Izložba „Uspomene“ na žičaru na fotografijama iz porodičnih albuma Sarajlija: FTV, Hayat TV, Agencija FENA, Oslobođenje, klix.ba, faktor.ba, depo.ba

5. Izložba - Prvo ulično bijenale grafike – „Grafičko proljeće“: BHRT, Hayat TV, agencija FENA, agencija Anadoluja, klix.ba, radiosarajevo.ba, faktor.ba, depo.ba, vijesti.ba

6. Svečana sjednica Gradskog vijeća – dodjela priznanja i nagrada Grada Sarajeva: BHRT, Al Jazeera Balkans, Hayat TV, N1, agencije FENA, Anadoluja, ONASA i Patria, Oslobođenje, Dnevni avaz, Nezavisne novine, Slobodna Bosna, klix.ba, radiosarajevo.ba, bljesak. ba, akos.ba, fokus.ba, akta.ba, index.ba

7. Vožnja građana žičarom i njihovi dojmovi: BHRT, Hayat TV, N1, TVSA, Dnevni avaz, klix.ba, radiosarajevo.ba, faktor.ba, index.ba, depo.ba, source.ba, informativa.ba, bh.time.mk,

- Ceremoniju otvaranja Žičare i Svečanu sjednicu Gradskog vijeća direktno je prenosila državna TV. Samo na otvaranju Žičare bilo je angažovano 54 novinara, kamermana i tehnička ekipa. BHT1 imala je emisiju uživo iz improviziranog studija sa polazne stanice žičare (pored praćenja ceremonije otvaranja razgovaralo se sa gostima grada i sa svima onima koji su doprinijeli izgradnji nove Žičare); drugi punkt sa kamerom bila je dolazna stanica, a treći - gondola u kojoj je ENG ekipa imala uživo javljanje u program BHT1.

- Organizirana su gostovanja gradonačelnika mr. Abdulaha Skake na BHT, TVSA, N1, Hayat TV, FACE TV, TV PINK, TV1;

- Gradonačelnik je dao intervju za FENU, STAV, Klix, BH Radio 1, Federalni radio, Radio Slobodna Evropa, TVSA

VIII REZIME I ZAKLJUČCI

Iako je u fokusu obilježavanja Dana grada Sarajeva bilo otvaranje Sarajevske žičare, ovogodišnji program bio je izuzetno zapažen od strane javnosti i velikog broja građana. Na osnovu brojnih tekstova i priloga u domaćim i stranim medijima može se zaključiti da je ovo do sada najsadržajni i najbolji program kojim je Grad Sarajevo na dostojan način obilježio 6. april – jedan od najznačajnijih datuma za građane glavnog grada Bosne i Hercegovine. Značajan doprinos uspješnoj organizaciji ovogodišnje manifestacije je svakako aktivno učešće gradskih vijećnika i zvaničnika Grada Sarajeva, te predan i profesionalan rad državnih službenika i namještenika.